























詩歸序



選古人詩而命曰詩歸非謂古人之詩以  
吾所選爲歸庶幾見吾所選者以古人爲  
歸也引古人之精神以接後人之心目使  
其心目有所止焉如是而已矣昭明選古  
詩人遂以其所選者爲古詩因而名古詩  
爲選體唐人之古詩曰唐選嗚呼非惟古  
詩亡幾併古詩之名而亡之矣何者人歸





之也選者之權力能使人歸又能使古詩  
之名與實俱徇之吾其敢易言選哉嘗試  
論之詩文氣運不能不代趨而下而作詩  
者之意興慮無不代求其高高者取異於  
途徑耳夫途徑者不能不異者也然其變  
有窮也精神者不能不同者也然其變無  
窮也操其有窮者以求變而欲以其異與  
氣運爭吾以爲能爲異而終不能爲高其



究途徑窮而異者與之俱窮不亦愈勞而  
愈遠乎此不求古人真詩之過也今非無  
學古者大要取古人之極膚極狹極熟便  
于口手者以爲古人在是使捷者矯之必  
于古人外自爲一人之詩以爲異要其異  
又皆同乎古人之險且僻者不則其俚者  
也則何以服學古者之心無以服其心而  
又堅其說以告人曰千變萬化不出古人



問其所爲古人則又向之極膚極狹極熟者也世真不知有古人矣惺與同邑譚子元春憂之內省諸心不敢先有所謂學古不學古者而第求古人真詩所在真詩者精神所爲也察其幽情單緒孤行靜寄于喧雜之中而乃以其虛懷定力獨往冥遊于寥廓之外如訪者之幾于一逢求者之幸于一獲入者之欣于一至不敢謂吾之



說非即向者千變萬化不出古人之說而特不敢以膚者狹者熟者塞之也書成自古逸至隋凡十五卷曰古詩歸初唐五卷盛唐十九卷中唐八卷晚唐四卷凡三十六卷曰唐詩歸取而覆之見古人詩久傳者反若今人新作詩見已所評古人語如看他人語倉卒中古今人我心目爲之一易而茫無所止者其故何也正吾與古人



之精神遠近前後于此中而若使人不得  
不有所止者也

明萬曆四十五年丁巳歲八月朔日景陵  
鍾惺撰





詩歸序

春未壯時見綴緝爲詩者以爲此浮瓜斷  
梗耳烏足好然義類不深口輒無以奪之  
乃與鍾子約爲古學冥心放懷期在必厚  
亦旣入之出之參之伍之審之克之矣有  
教春者曰公等所爲創調也夫變化盡在  
古矣其言似可聽但察其變化特世所傳  
文選詩刪之類鍾嶸嚴滄浪之語瑟瑟然



務自彫飾而不暇求於靈迴扑潤抑其心目  
中別有夙物而與其所謂靈迴扑潤者不能  
相關相對歟夫真有性靈之言常浮出紙上決  
不與衆言伍而自出眼光之人專其力壹其思  
以達於古人覺古人亦有炯炯雙眸從紙上還  
矚人想亦非苟然而已古人大矣往印之輒合  
遍散之各足人咸以其所愛之格所便之調所  
易就之字



句得其滯者熟者木者陋者曰我學之古人自以爲理長味深而傳習之久反指爲大家爲正務人之爲詩至於爲大家爲正務馳海內有餘矣而猶敢有妄者言之乎嗚呼此所以不信不悟而有才者至欲以纖與險厭之則亦若人之過也夫滯熟木陋古人以此數者收渾沌之氣今人以此數者喪精神之原古人不廢此數者爲藏



神奇藏靈幻之區今人先借此數者爲仇  
神奇仇靈幻之物而甚至以代所得名之  
一人與一時所同名之數人及人所得名  
之篇與篇所得名之句皆堅守莊誦而不  
敢颺言之不過曰古今人自有篤論夫人  
有孤懷有孤詣其名必孤行於古今之間  
不肯遍滿寥廓而世有一二賞心之人獨  
爲之咨嗟徬皇者此詩品也譬如狼煙之



上虛空裊裊然一綫耳風搖之時散時聚  
時斷時續而風定煙接之時卒以此亂星  
月而吹四遠彼號爲大家者終其身無異  
詞終其古無異詞而反以此失獨坐靜觀  
者之心所失豈但倍也哉今之爲是選也  
幸而有不徇名之意若不幸而有必黜名  
之意則難矣幸而有不畏博之力若不幸  
而有必勝博之力又難矣幸而有不隔靈



之眼若不幸而有必驚靈之眼又難矣法  
不前定以筆所至爲法趣不强括以詣所  
安爲趣詞不準古以情所迫爲詞才不由  
天以念所冥爲才恬一時之聲臭以動古  
今之波瀾波瀾無窮而光采有主古人進  
退焉雖一字之耀目一言之從心必審其  
輕重深淺而安置之凡素所得名之人與  
素所得名之詩或有不能違心而例收者



亦必其人之精神止可至今日而不能不  
落吾手眼因而代獲無名之人人收無名  
之篇若今日始新出于紙而從此誦之將  
千萬口即不能保其誦之盈千萬口而亦  
必古人之精神至今日而當一出古人之  
詩之神所自爲審定安置而選者不知也  
惟春與鍾子克慮厥始惟春克勗厥中惟  
鍾子克成厥終詩歸哉

明萬曆丁巳十月二十五日景陵譚元春  
撰





詩歸叙

朱晦庵曰古今詩凡三變矣自漢魏以上者為一宗吾欲取經史韻語下及文選漢魏古詞以至郭景純陶淵明之作自為一編附三百篇楚詞之後以為詩之根本詩之準則自晉宋間顏延之以後下至唐初為一宗又自沈宋以後言著近體為一宗擇其近古者各為一編以

為詩之羽翼詩之與衛其不合者悉去  
之無使接于耳目入於心胸余每誦其  
言輒快其志之遠以大而深惜其業之  
未竟也自以而外撰定之家如蕭德施  
左克明鄒茂倩諸公各有出入至馮北  
海汝言氏而詩紀成學人盡宗之然左  
司馬汪伯玉猶言若非易牙為政醜難  
淄渰此非獨作者之難真欲索一解人



而不得也世泉道微其源愈遠其派愈  
分其流至于沉晦而無所歸如趙宋道  
學也而傳會之於詩勝國辭藻也而靡  
襍之於詩雖其百前有欽梅後有黃蘇  
亦迭巡未能後古又豈獨趙一二人所  
能振其衰歟也宋明興作者迭起才  
大而無所不備學博而無所不綜上既  
津乎叔隸宋元問鼎漢魏矣延識者



猶謂格力崇卑之間若隨世運為遷轉  
而均之未底于古人者則又有說焉夫  
古之忠臣孝子志士勞人歟夫卷婦以  
至鄭衛素樸之遺無非自致其性靈自  
寫其志意自抒其不平之鳴無心之穎  
初未嘗標之以為名也故詩雖小者上  
自有逸名而名隨去而本朝諸大家猶  
未免沾沾以此是為天下之身目以藉



後世之聲稱所以二百餘年流而不反  
者其名心之為累乎故有識者不論今  
而論古不論今之流而論古之歸則鍾  
譚兩先生之有詩歸云未歸之云者如  
行李之赴家各有會也如百川之赴海  
互有合也故凡其按經括史補遺芟繁  
或相質以披文或拔新以領異或提綱  
以見大或分註以采微摠之非附同而

著見勸說而龍名其比也余於吳允迪  
先生存目已習知二公之不為今人言  
乃今讀其詩歸而知其真能為古人言  
矣自恨俯首一經遂影鄉曲即冒有小  
草姑以讓海內謀名者之一席而噤未  
敢負之兩公也負然知者矣古詩歸凡  
十五卷唐詩歸凡三十六卷余友閔士  
隆所重校也赤文綠字玉質金鑲崇時



尚也世無賈珠而仍賈其櫝可也

延陵吳德輿書

一、  
二、  
三、  
四、  
五、  
六、  
七、  
八、  
九、  
十、  
十一、  
十二、  
十三、  
十四、  
十五、  
十六、  
十七、  
十八、  
十九、  
二十、  
二十一、  
二十二、  
二十三、  
二十四、  
二十五、  
二十六、  
二十七、  
二十八、  
二十九、  
三十、  
三十一、  
三十二、  
三十三、  
三十四、  
三十五、  
三十六、  
三十七、  
三十八、  
三十九、  
四十、  
四十一、  
四十二、  
四十三、  
四十四、  
四十五、  
四十六、  
四十七、  
四十八、  
四十九、  
五十、  
五十一、  
五十二、  
五十三、  
五十四、  
五十五、  
五十六、  
五十七、  
五十八、  
五十九、  
六十、  
六十一、  
六十二、  
六十三、  
六十四、  
六十五、  
六十六、  
六十七、  
六十八、  
六十九、  
七十、  
七十一、  
七十二、  
七十三、  
七十四、  
七十五、  
七十六、  
七十七、  
七十八、  
七十九、  
八十、  
八十一、  
八十二、  
八十三、  
八十四、  
八十五、  
八十六、  
八十七、  
八十八、  
八十九、  
九十、  
九十一、  
九十二、  
九十三、  
九十四、  
九十五、  
九十六、  
九十七、  
九十八、  
九十九、  
一百、



小引

自雅頌得所而後楚騷漢風以漸而遠六朝開  
綺麗之習三唐創法律之軌雖其間之質而文  
之而靡靡而不無溫觴者時代使然要其託  
志而情比物連類意在筆先而神行墨道之外  
者摠非漫然而無歸者也余少讀家莊懿賜書  
間披韻語輒欲於篇章詠詠之餘識其指歸之  
所在而苦以寡聞陋識遊之不通祇覺其廣而  
未能一一竟廼今之稱詩者徧海內評衡而點

定之者亦復徧海內求其山無不實之本家三  
不覆之甄蓋寡也去歲收雙史抄習心未已  
取鍾譚兩先生所評詩歸而讀之上自隆古下  
逮唐季無不以己意進退之分爲二集共若干  
卷爲之闡其大略挾其激指即句意而字比之  
者都於無字向更抒寫作之性靈開發後人  
之陋習亦無不如水之數髮雖之畫沙其所以  
金針度人者即寡聞如余覺于曩之詠詠指將  
者恍有舍也夫空言盡水落石出此非造物者



之歸藏乎知此者可以讀詩歸矣茲嚴剗剔以  
布通都不敢謂兩先生之功臣而兩先生之挽  
狂瀾而反之淳者奈諸與有識者質之

隴西閔振業識





凡例

一詩柄後有紀事故詩案也從原本單行大字置前句讀下或有細評移置于上

一總評舊于詩歌前後間出單行大字今悉以雙行細字統列于後惟評人者特揭于題前評題者仍揭于詩前

一凡逐句細評舊註句下今亦移置于上間有評多不勝載并音叶註于旁

一鍾譚原評舊本不拘前後俱用鍾云譚云

覺繁碎今鍾悉置前用硃色譚悉置後用  
黛色以便觀覽非敢有低昂也

一古逸至隋凡十五卷初唐至晚唐凡三十  
六卷其選法圈點批評悉宗原本不敢增  
減一字

一詩凡數首原本俱用又字今易其二其三  
等數以紀之



姓氏

選定

鍾惺

字伯敬景陵人

譚元春

字友夏景陵人

校閱

吳德輿

字原任歸安人

閔振業

字士隆烏程人

閔振聲

字襄子烏程人



















